

Na osnovu člana 2.12 stava (5) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14, 31/16, 41/20, 38/22, 51/22, 67/22 i 24/24), člana 25. Statuta Grada Srebrenik („Službeni glasnik Grada Srebrenik“, broj: 1/24) i člana 11. stav (6) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), Gradsko vijeće Srebrenik, na __. redovnoj sjednici, dana _____, 2026. godine, donosi:

RJEŠENJE

o imenovanju člana Gradske izborne komisije Srebrenik

I

Za člana Gradske izborne komisije imenuje se Ivica Gudeljević, nacionalna pripadnost: Hrvat.

II

Na imenovanje članova Gradske izborne komisije Srebrenik saglasnost daje Centralna izborna komisija Bosne i Hercegovine.

III

Mandat člana Komisije iz tačke I Rješenja traje sedam godina, računajući od dana davanja saglasnosti Centralne izborne komisije Bosne i Hercegovine.

IV

Rješenje stupa na snagu danom dobijanja saglasnosti od strane Centralne izborne komisije Bosne i Hercegovine i bit će objavljeno u "Službenom glasniku Grada Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gr a d s k o v i j e ć e-

PREDSJEDAVAJUĆI
GRADSKOG VIJEĆA

Nisvet Sejdinović

Broj: 01-04-613-__/26
Srebrenik, _____, 2026. godine

OBRAZLOŽENJE

I PRAVNI OSNOV

Na osnovu člana 2.12 stava (5) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14, 31/16, 41/20, 38/22, 51/22, 67/22 i 24/24), člana 25. Statuta Grada Srebrenik („Službeni glasnik Grada Srebrenik“, broj: 1/24) i člana 11. stav (6) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24)

II RAZLOZI ZA DONOŠENJE

Uzimajući u obzir da su 2024.godine održani Lokalni izbori u Bosni i Hercegovini, a obzirom da do početka izbornog perioda nije bio izabran stalni član Gradske izborne komisije, Gradsko vijeće Grada Srebrenik je Rješenjem, broj 01-04-264/24 od 03.06.2024.godine imenovalo Ivicu Gudeljevića za zamjenskog člana Gradske izborne komisije na koje je Centralna izborna komisija Bosne i Hercegovine donijela Rješenje, broj: 06-1-07-1-143/24 od 13.06.2024.godine kojim se daje saglasnost na Rješenje Gradskog vijeća.

Gradsko vijeće Grada Srebrenik je na 2. redovnoj sjednici Gradskog vijeća, održanoj dana 27.02.2025. godine donijelo Odluku o objavljivanju javnog oglasa za imenovanje jednog člana Gradske izborne komisije Srebrenik, broj 01-04-101-2/25 od 27.02.2025. godine objavljena u „Službenom glasniku Grada Srebrenik“, broj 04/25. Na osnovu navedene Odluke objavljen je Javni oglas za imenovanje jednog člana Gradske izborne komisije Srebrenik dana 05.03.2025. godine na službenoj web stranici Grada Srebrenik, oglasnoj tabli Grada Srebrenik, NTV Jata i Radio Srebreniku. U skladu s važećim propisima Oglas je bio otvoren 8 dana, koji je provela Konkursna komisija imenovana rješenjem Gradskog vijeća, broj: 01-04-101-4/25 od 27.02.2025. godine („Službeni glasnik Grada Srebrenik“, broj: 4/25).

U skladu sa donesenom Odlukom o objavljivanju Javnog oglasa za imenovanje jednog člana Gradske izborne komisije Srebrenik, provedena je propisana procedura od strane naprijed navedene Konkursne komisije i utvrđena je rang-lista uspješnih kandidata kako slijedi:

R/b	Ime i prezime kandidata	Nacionalno izjašnjenje kandidata	Ukupan broj osvojenih bodova
1.	Ilda Ibrić	Bošnjak	19
2.	Ivica Gudeljević	Hrvat	16
3.	Ivan Marković	Hrvat	13,4

U skladu sa provedenom procedurom, a na osnovu odredbi važećeg Poslovnika o radu Općinskog vijeća i Odlukom o objavljivanju Javnog oglasa, Komisija za izbor i imenovanja Gradskog vijeća je na sjednici održanoj dana 22.07.2025. godine utvrdila Prijedlog Rješenja o imenovanju člana Gradske izborne komisije, te predlaže Gradskom vijeću da isti usvoji, kako bi se nastavila dalja propisana procedura. Komisija je prilikom odlučivanja uzela u obzir ukupan broj bodova, te i spolnu zastupljenost Gradske izborne komisije Grada Srebrenik.

Uzimajući u obzir da na osnovu uputa dobijenih od Centralne izborne komisije BiH predmetno Rješenje nije moglo biti razmatrano na prethodnim sjednicama Gradskog vijeća zbog trajanja izbornog perioda, a da je u međuvremenu od strane CIK BiH došla Urgencija o potrebi imenovanja stalnog člana GIK Srebrenik, to je Komisija na sjednici održanoj 27.01.2026.godine donijela zaključak da Prijedlog Rješenja o imenovanju člana Gradske izborne komisije Srebrenik bude upućen Kolegiju Gradskog vijeća, a nakon toga i Gradskom vijeću na razmatranje.

Na 13.sjednici Gradskog vijeća Grada Srebrenik održanoj 24.02.2026.godine, Prijedlog Rješenja o imenovanju člana Gradske izborne komisije je usvojen i dostavljen Centralnoj izbornoj Komisiji BiH na saglasnost.

Obzirom da na navedeno Rješenje, Centralna izborna Komisija BiH, svojim rješenjem, broj: 06-1-07-1-107/26 od 02.04.2026.godine, Ildi Ibrić iz Srebrenika, nije dala saglasnost za imenovanja za člana Gradske izborne komisije Srebrenik, to je Komisija za izbor i imenovanja Gradskog vijeća na svojoj sjednici ponovo utvrdila Prijedlog Rješenja o imenovanju člana Gradske izborne komisije, te ga dostavlja Gradskom vijeću na razmatranje.

Napominjemo, da je Centralna izborna Komisija BiH, svojim rješenjem, broj: 06-1-07-1-107/26 od 02.04.2026.godine naložila da je, potrebno da Gradsko vijeće u roku od 15 dana od dana donošenja Rješenja CIK BiH izvrši ponovno imenovanje člana GIK Srebrenik, u skladu sa kriterijima iz člana 2.14 stav (1) Izbornog zakona BiH.

PREDLAGAČ
KOMISIJA ZA IZBOR I IMENOVANJA